



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Handwritten text in blue ink, possibly a name or title, appearing as "Handwritten text".

Handwritten text in blue ink, possibly a name or title, appearing as "Handwritten text".

891	71
7	-79

891.71

7-79

Հրատարակում

NOV 2011

25 SEP 2006

Հրատարակում Ք. Գալստեանի:


ԱԶՆԻԻ ԳՈՂ

ՎԻՊԸԿ

Ֆ. Մ. ԴԱՄՏԱՅԵՎՍԿՈՒ

(Անձանօթի գրուածներէց)

ԹԱՐԳՄ. Ն. 2.



Тип. М. Вартамянца, Гановск. ул. № 3.

Տպ. Մ. Վարդանեանցի, Գանովսկ. փող. № 3.

04.04.2013
8005 432 28

18993

Յայտնող Թ...

Մի առաւօտ, երբ արդէն բոլորովին պատ-
րաստ էի ես գնալու պաշտօնատեղիս, յանկարծ
սենեակս ներս մտաւ Ազրաֆէնան, այսպէս էր
իմ խոհարարուհուս անունը, որ միևնոյն ժամա-
նակ լուացարար և տնտես կին էր տանս մէջ և,
ո՞ր դարմանք, սկսեց հետս խօսել:

Մինչև այդ ըոպէն նա մի այնպիսի լու-
կեաց, հասարակ, պարզ կին էր, որ բացի իւր
սովորական ամենօրեայ երկու խօսքից՝ թէ ինչ
պէտք է ճաշին պատրաստել, թաւրուայ ըն-
թացքում, համարեա, մի ուրիշ խօսք չէր ասել
ինձ: Գոնէ ես ուրիշ ոչինչ չէի լսել նրանից:

— Ահաւասիկ, ես քեզ մօտ եկայ, պարոն,
սկսաւ նա յանկարծ, — վարձու չէք տալ փոք-
րիկ սենեակը:

— Ի՞նչ սենեակ:

— Այն որ խոհանոցին կից է: Յայտնի բան
է թէ ո՞րը:

— Ինչո՞ւ համար:

— Ինչո՞ւ համար: Նրա համար, որ մարդիկ
վարձով են տալիս տնկեցներին: Յայտնի բան է
թէ ինչու համար:

— Բայց ո՞վ է ուզում նրան վարձել:

Доз. Цензурою, Тифлисъ, 9 Декабря 1904 г.

4508-85

—Ո՞վ է ուզում: Տնկեցն է վարձում: Յայտնի բան է թէ ո՞վ:

—Բայց այնտեղ, մայրիկս, անկողնակալ անգամ չի կարելի դնել, այնքան նեղ է, ո՞ւր մընաց թէ ապրել կարելի լինի:

—Ինչո՞ւ այնտեղ ապրել: Միայն թէ քնելու տեղ լինի, իսկ նա պատուհանի վրայ կապրի:

—Ո՞ր պատուհանի վրայ:

—Յայտնի է թէ որ պատուհանի վրայ, կարծես թէ չըզիտէք: Այն պատուհանի վրայ, որ նախասենեակումն է, նա այնտեղ կընստէ, կըկարէ կամ որևէ բան կանէ: Գուցէ և աթոռի վրայ կընստէ: Նա աթոռ էլ, սեղան էլ ունի, ամեն բան ունի:

—Ո՞վ է այդ մարդը:

—Մի լաւ, փորձուած մարդ է: Ես նրա համար ճաշ պիտի պատրաստեմ: Եւ սենեակի և ճաշի վարձ ընդամենը ամսական երեք ուրբի պիտի ստանամ...

Վերջապէս ես, երկար ու բարակ ջանքերից յետոյ իմացայ, որ մի տարիքն առած մարդ Ագրաֆենային համոզել էր, որ առնի նրան խոհանոցը իբրև սնկեց: Ինչոր Ագրաֆենայի գլուխը մտնէր, գիտէի որ այն անպատճառ պիտի կատարուէր. այլապէս նա ինձ հանդիստ չէր տալ: Այն գիպուածներում, երբ որևէ բան նրա սրտով չէր լինում, նա իսկոյն մտաւանջութեան և մեղամաղձութեան մէջն էր ընկնում, և այդպիսի հոգեկան զրութիւնը տեղում էր երկու երեք

շաբաթ: Այս միջոցին կերակուրը լաւ չէր եփւում, սպիտակեղէնը կորչում էր, յատակները չէին լուացւում, մի խօսքով՝ շատ անհաճոյ բաներ էին պատահում: Ես վաղուց նկատել էի, որ այս անխօս արարածը անկարող էր լինում որևէ վճիռ կայացնել, կանգ առնել իւր սեպհական մտքի վրայ: Բայց եթէ նրա տկար ուղեղում պատահաբար մի որևէ բան ընկնէր, որ նման էր մի գաղափարի կամ մի ձեռնարկութեան, այլ ևս անկարելի էր մերժել նրա իրագործումն, այլապէս նշանակում էր մի քանի ժամանակ սպանել նրան բարոյապէս: Ուստի ամենից աւելի յարգելով անձնական հանգստութիւնս, ես իսկոյն համաձայնուեցայ:

—Բայց ունի՞ նա, գոնէ, անցաթուղթ, կամ նրա պէս մի բան:

— Ի հարկէ ունի: Մի լաւ, փորձուած մարդ է. երեք ուրբի խոստացաւ տալ:

Միւս օրը, իմ համեստ և միայնակեցի բնակարանում նոր սնկեց երևաց, բայց ես չէի տհաճում, մինչև անգամ ուրախ էլ էի: Ես առհասարակ ասըում եմ միայնակ, կատարեալ մի բանտարկեալ: Ծանօթներ համարեան թէ չունիմ. տանից դուրս եմ դնում շատ հազիւ: Տասը տարի միայնակ ապրելով, ի հարկէ, սիրեցի միայնակեցութիւնը: Բայց տասը, տասն և հինգ տարի, գուցէ և աւելի տևող մի այդպիսի միայնակեցութիւն, նոյն Ագրաֆենայի հետ, նոյն ամուրի մարդու բնակարանում, դա բաւական տոգոյն պատ-

կեր էր: Ուստի մի աւելորդ, խաղաղակեաց մարդ, այդպիսի հանգամանքներում — մի կատարեալ գանձ էր ինձ համար:

Ազրաֆենան չէր ստել. իմ տնկեցն աշխարհ տեսած մարդիկներէից մէկն էր: Անցաթղթին նայելով, երևաց, որ արձակուրդ տուած զինուորներէից մէկն էր, որ իմացայ առանց անցաթղթին էլ նայելու, հէնց առաջին հայեացքից, դէմքին նայելով: Այս հեշտ է իմանալ: Աստաֆի Իվանիչը, այսպէս էր իմ տնկեցի անունը և հօր անունը, իւր նմանների մէջ լաւերիցն էր: Մենք լաւ էինք ապրում: Բայց ամենալաւն այն էր, որ Աստաֆի Իվանիչը երբեմն երբեմն պատմում էր պատմութիւններ, դէպքեր իւր կեանքից: Իմ անվերջանալի ձանձրութեան ժամերին մի այդպիսի պատմիչը կատարեալ գանձ էր: Մի անգամ նա ինձ պատմեց իւր պատմութիւններից մէկը: Այդ պատմութիւնը ինձ վրայ տպաւորութիւն թողեց: Եւ ահաւասիկ ասեմ թէ ինչ առիթով ըսկսուեց պատմութիւնը:

Մի անգամ սենեակումս միայնակ մնացի, և Աստաֆին և Ազրաֆենան գործով ուրիշ տեղ էին գնացել: Յանկարծ ես լսեցի երկրորդ սենեակից, որ մի մարդ ներս մտաւ սենեակը և ինձ թուաց թէ դա մի օտարական է. ես դուրս գնացի. և իրաւ, նախասենեակում կանգնել էր մի սերտուկաւոր օտար, կարճահասակ մարդ, չընայելով որ աշնանային, ցուրտ եղանակ էր:

— Ի՞նչ ես ուզում:

— Պաշտօնեայ (չինովսիկ) Ալէքսանդրովին, այստեղ է կենում:

— Մի այդպիսի մարդ չըկայ, եղբայր. մնաս բարեաւ:

— Ինչպէս թէ չըկայ, դո՛նտպահը ասաց, որ այստեղ է, մումուաց այցելողը զգուշութեամբ հեռանալով դէպի դո՛ները:

— Հեռացիր, հեռացիր, եղբայր. գնա:

Միւս օրը ճաշից յետոյ, երբ Աստաֆի Իվանովիչը իմ սերտուկն էր ինձ վրայ չափում վերանորոգելու նպատակով, նորից ով որ ներս մտաւ նախասենեակը: Ես բացի դուռը:

Երեկուայ պարոնը, հէնց իմ աչքի առաջ, հանգստութեամբ վեր առաւ իմ վերարկուս կախարանից, կոնատակն առաւ և հեռացաւ ընակարանիցս: Ազրաֆենան բոլոր ժամանակ նրան էր նայում, զարմանքից բերանը բաց մնաց և ուրիշ ոչինչ չ'արաւ վերարկուս ազատելու համար: Աստաֆի Իվանիչը վազեց խաբեբայի ետեից և 10 րոպէից յետոյ վերադարձաւ հեկելով և ձեռնունայն: Կորեկ գնացել էր մարդը:

— Այո, անյաջողութիւն, Աստաֆի Իվանիչ: Էլի լաւ է որ մեծ վերարկուն (չինեյը— шинель) մեզ մնաց: Ապա թէ ոչ մեզ բոլորովին կամաւ չացնէր խաբեբան:

Բայց Աստաֆի Իվանիչի զարմանքը այնքան մեծ էր, որ ես մինչև անգամ մոռացայ կորստի մասին, նայելով նրան: Նա իրեն բոլորովին կորցրել էր: Շուտ շուտ դէն էր ձգում գործը, ա-

մեն ըստ է նորից էր ուզում պատմել դէպքը, թէ ինչպէս էր այս պատահել, ինչպէս նա կանգնել էր այստեղ, ինչպէս էին վերցրել, երկու քայլ հեռաւորութեան վրայ, իրեն աչքի առաջ փոքր վերարկուն (բեկեշ—бечешь), և ինչպէս էր այս բոլոր այնպէս շուտ կատարուել, որ գողին բռնել անկարելի էր եղել: Յետոյ նորից նստեց աշխատելու, յետոյ էլի դէն ձգեց աշխատանքը, և ես տեսայ որ վերջապէս գնաց դռնապանի մօտ և նախատեց, որ թոյլ է տալիս գողութիւն: Յետոյ վերագարձաւ և սկսեց հայհոյել Ագրաֆենային: Յետոյ նորից նստեց աշխատելու և երկար մոմուաց ինքն իրեն, թէ ինչպէս էր այս բոլորը կատարուել, թէ ինչպէս գողն այնտեղ կանգնած էր, իսկ ինքն այստեղ, և թէ ինչպէս երկու քայլ հեռու, իւր աչքի առաջ գողացան բեկեշը և այլն և այլն: Մի խօսքով Աստաֆի Իվանիչը թէև բան շինել գիտէր, բայց շափազանց հոգատար և մանրաշահ մի մարդ էր:

—Մեզ յիմարացրին, Աստաֆի Իվանիչ, —ասեցի ես նրան մի երեկոյ, մի բաժակ թէյ տալով նրան, և ցանկացայ ձանձրոյթս ցրելու նպատակով նորից պատմել տալ վերարկուի գողութեան դէպքը, որի պատմութիւնը յաճախակի կրկնուելուց և պատմիչի խորին անկեղծութիւնից շատ ծաղրական էր դառնում:

—Յիմարացրին, պարոն: Շատ ցաւում եմ, թէև հագուստը իմն չէ: Իմ կարծիքով գողից աւելի զազրելի արարած չըկայ աշխարհիս երե-

սին: Շատերը գոնէ ձրիաբար են վերցնում, իսկ այսպիսի մէկը քո աշխատանքը, քո թափած քրտինքն է քեզանից գողանում: Ախ, ինչ վատ բան, թո՛ւ. խօսել անգամ չեմ ուզում, գայրոյթս բռնում է: Ախ, պարոն, ինչպէս չէք ցաւում, երբ բարիքը...

—Այո, այնպէս է, Աստաֆի Իվանիչ, աւելի լաւ է որ իրդ այրուի, քան գողը տանէ, ցաւալի է, շատ ցաւալի:

—Էլ ինչ ասել կուզէ. ի հարկէ, գող էլ կայ, գող էլ... Պարոն, մի անգամ ինձ հետ մի դէպք պատահեց, այնպէս որ մի ազնիւ գողի էլ հանդիպեցի:

—Ի՞նչպէս թէ ազնիւ: Ո՞ր գողն է ազնիւ, Աստաֆի Իվանիչ:

—Այո, պարոն, ճիշտ էք ասում: Ո՞ր գողն է ազնիւ և այդպիսի գող չըկայ: Միայն ես ուզեցի ասել, որ, կարծես, ազնիւ մարդ էր, բայց գողացաւ: Պարզն ասած, ցաւալի էր նա:

—Ինչպէ՞ս պատահեց այդ, Աստաֆի Իվանիչ:

—«Այս դէպքը սրանից երկու տարի առաջ պատահեց, պարոն: Այն ժամանակ ես մօտ մի տարի անպաշտօն էի մնացել, և իմ այդ պաշտօնավարութեան վերջին օրերին ծանօթացաւ հետըս բարոյվին կորած մի մարդ: Օղետան մէջ ծանօթացանք: Գինեմոլի մէկն էր, թափառաշըջիկ և ձրիակեր, առաջ մի ինչ որ տեղ ծառայել էր և վաղուց նրան իւր գինեմոլութեան համար պաշտօնից արձակել էին: Այնպիսի անարժանի

մէկն: Եւ Աստուած գիտէ թէ ինչ շորերով էր ման գալիս: Հագքի շապիկն անգամ տանում խըմում էր: Բայց կոուարար չէր. բնաւորութեամբ խողաղասէր էր, հեղաբարոյ և բարեսիրտ, խընդրել անգամ չէր համարձակուում, ամաչում էր, ինքդ վերջապէս տեմնում ես, որ խղճուկը խմել է ուզում և խմացնում ես: Այսպէս անա ես նրա հետ ծանօթացայ, կամ ասենք, նա ինձ մօտեցաւ... Ինձ համար ոչինչ: Եւ ինչ տեսակ մարդ էր: Շան պէս պուկ չէր գալիս ինձնից — ուր էլ գնում էիր, նա հետդ էր գալիս, իսկ ընդամենը մի անգամ միայն տեսել էինք իրար: Նախ և առաջ խնդրեց թոյլ տալ մի գիշեր անցկացնել իմ տանս. թողեցի, տեսայ անցաթուղթը կարգին է, մարդն էլ ոչինչ, մարդու նման է: Յետոյ երկրորդ օրուայ համար խնդրեց, նոյնպէս թողեցի, յետոյ երրորդ օրն եկաւ, ամբողջ օրը պատուհանի վրայ նստած անցկացրեց և գիշերն էլ մնաց: Մտածեցի, այ ես էլ մարդ գտայ, հա. ուտեցրճ խմեցրճ և զեռ քնելու էլ թող տանդ. ինչ կըլինի խեղճ մարդու հալը, երբ մի սեղանակից էլ վրան աւելանում է: Իսկ առաջ, ինչպէս հիմա իմ տուն, մի ծառայողի տունն էր գնում, պուկ չէր գալիս նրանից. միասին էին կոնծում, բայց նա, ծառայողը խմելու չափը անցկացրեց և մեռաւ մի ինչ որ վշտից: Իսկ սրան անուանում էին Եմելէյ, Եմելեան Իլիչ: Շատ մտածեցի թէ ինչպէս վարուեմ հետը: Դուրս վունդել նրան ցաւում էի, շատ էի ցաւում. այնպիսի մի

թշուառական, կորած արարած էր, որ էլ չի կարելի ասել: Եւ մի այնպիսի անլեզու. նա չէր խնդրում, եթէ մի բանի պահանջ ունէր. նստում էր իրեն համար և ինչպէս շուն աչքերիդ էր նայում: Ահա թէ ինչպէս կարող է արբեցողութիւնը մարդուն փչացնել: Մտածում եմ ես՝ թէ ինչպէս ասեմ, հեռացիր այստեղից, սիրելի Եմելիան, ինձ մօտ ոչինչ չըկայ անելու, քո տեղդ չէ. շուտով ես ինքս էլ ուտելու ոչինչ չեմ ունենալ, ինչպէս քեզ էլ պահեմ: Նստած մտածում եմ թէ ինչ կանէ նա, եթէ մի այդպիսի բան նրան ասեմ: Եւ ինքս կարծես նախատեսնում եմ, թէ որքան երկար պիտի նայէր ինձ, երբ խօսքերս լսէր, որքան երկար պիտի նստէր նա և չըպիտի հասկանար ոչ մի խօսք. յետոյ ինչպէս, ճարը կտրած, պատուհանից պիտի վեր կենար, վեր առնէր իւր կապոցը, իւր վանդակաւոր, կարմիր, ծակոտկէն կապոցը, որի մէջ Աստուած գիտէ թէ ինչ էր փաթաթում և ամեն տեղ իւր հետ տանում, ինչպէս պիտի սրբէր մաքրէր իւր վերարկուն այնպէս, որ և վայելուչ և տաք լինէր և ծակերն էլ չընկատուէին — քնքոյշ մարդ էր. ինչպէս պիտի յետոյ բաց անէր դուռը և արտասուաթոր աչքերով դուրս գնար դէպի սանդուղքը: Դեհ, մտածում էի, մարդը խօսքի կորչի, ոչնչանայ... սիրտս ցաւում էր: Յետոյ մտածում եմ, հապա, խիղճս ինչ պիտի ասի: Սպասիր, սիրելի Եմելիան, դատում եմ ինքս ինձ՝ երկար չի տևի քո կենակցութիւնը ինձ հետ,

անա շուտով ուրիշ տեղ կերթամ և ինձ այլ ևս չես գտնիլ: Այսպէս մենք գնացինք. այն ժամանակ զեռ Ալէքսանդր Ֆիլիմոնովիչը, պարոնս (այժմ հանդուցեալ, Աստուած ողորմի նրա հոգուն) ասում էր՝ քեզնից շատ շնորհակալ եմ, Աստաֆի, երբ ամենքս զիւղից կրվերադառնանք, քեզ չենք մոռանալ. նորից քեզ կրվերցնենք: Իսկ ես այն ժամանակ տան ծառայ էի նրանց մօտ, շատ բարի մարդ էր պարոնս և վախճանուեցաւ միւսնոյն տարին: Ապա երբ նրան ճանապարհ գրինք, վերցրի ունեցած շունեցածս, նոյնպէս մօտս եղած փողս և մտածեցի այժմ թող հանգիստ վայելեմ և գնացի մի պառաւ կնոջ մօտ և մի անկիւն վարձեցի նրա մօտ: Եւ նրա մօտ մի ազատ անկիւն կար միայն: Այս պառաւը նոյնպէս առաջ ծծմայր էր եղած մի ինչ որ տեղում, այժմ առանձնակի էր ապրում, կենսաթոշակ էր ստանում: Մտածում եմ, մնաս բարեաւ այժմ, սիրելի Եմելիան, բարեկամս, էլ չես գտնիլ ինձ: Ի՞նչ էք կարծում, պարոն: Տուն վերադարձայ երեկոյեան (ծանօթ մարդուն այցելութիւն էի գնացել) ամենից առաջ Եմելիային տեսայ, որ սենեակումս իմ արկղի (սունդուկ—СУНДУКЪ) վրայ իւր վերարկուով նստած և վանդակաւոր կապոցը կողքին ինձ էր սպասում... և ձանձրոյթն էլ փարատելու համար մի ինչ որ եկեղեցական գիրք պառաւից վեր առնելով գլխի վայր (թարս) ձեռքին բռնել էր: Գտել էր էլի. այ բան, մտածեցի ես ու ճա-

րըս կտրուեց: Մտածում եմ, դեհ, հիմա ինչ արած, ի գուր սկզբից գուրս չարի նրան: Ուստի ուղղակի և նրան հարցնում եմ. «Անցաթուղթը քեզիք, Եմելիա»:

«Ես այդտեղ նստեցի, իմ պարոն, և մտածութեան մէջ ընկայ. ինչ անեմ, թափառաշրջիկ մարդ է, մեծ արգելք կըլինի նա ինձ: Եւ երկար մտածելուց յետոյ վճռեցի, որ մեծ արգելք չի լինի նա ինձ: Ուտել խմել կուղէ նա, մտածում էի: Առաւօտը մի կտոր հաց, վրան էլ, որ աւելի համեղ լինի, մի կտոր էլ սոխ—անա բոլորը: Կէսօրին նոյնպէս սոխ ու հաց, երեկոյեան սոխ ու կվաս և հաց, եթէ հաց ուզեց. իսկ եթէ շէր էլ ունենանք, այն ժամանակ երկուսս էլ կուշտ կուտենք: Ես ինքս շատ չեմ ուտում, իսկ խմոց մարդը, յայտնի է, որ ոչինչ չի ուտում, նրա համար բաւական է միայն օղին. խմելու կողմից, մտածում էի ես, նա հողիս պիտի հանէր, բայց և իսկոյն մի ուրիշ բան միտքս ընկաւ, և մի լաւ բան, որ եթէ Եմելիան հեռանար, ապրել չէի ուզիլ ես... վճռեցի նրա բարեբար հայրը դառնալ: Կազատեմ նրան անխուսափելի կորրուտից, մտածեցի ես, օղի խմելը մտաջնել կրտամ: Կնց դու զեռ, մտածում էի. դէ լաւ, Եմելիա, մնացիր մօտս, միայն քեզ պահիր և հրամաններս լսիր»:

«Ահա և ես ինքս ինձ մտածում եմ. կրակսեմ նրան այժմ որևէ աշխատանքի ընտելացնել, միայն ոչ միանգամից. թնդ առաջ զբօսնէ մի փոքր, իսկ

այդ միջոցին կաշխատեմ նրա համար մի այնպիսի գործ գտնել, որին ընդունակ կարող է լինել Եմելիան, ըստ որում ամենից առաջ, պարոն, իւրաքանչիւր գործի համար ընդունակութիւն է հարկաւոր: Ես սկսեցի ծածուկ հետեւել նրան: Մըտածում եմ՝ կատաղի մարդ ես, սիրելի Եմելիաս: Սկսեցի ամենից առաջ խրատներից. այսպէս թէ այնպէս, ասում եմ Եմելիան Իլիչ, նայէիր քեզ թէ ինչ օրն ես ընկել և աշխատէիր քեզ ուղղել:

«—Բաւական է խմել, ասում եմ ես նրան: Նայիր, տես ինչ ունիս հազիրդ, վերարկուդ, ներքիւր ասել, մաղի է նման, ամօթ է: Փամանակ է կարծեմ, որ պատիւդ ճանաչես: Գլխակոր նըտած լսում է ինձ Եմելիան: Եւ ի՞նչ, պարոն: Այն գրութեան էր հասել, որ արբեցողութիւնից լեզուն կորցրել էր, օրինաւոր խօսք ասել չէր կարողանում: Ասում էիր անձ, նա պատասխանում էր գանձ: Ինձ ականջ էր դնում, երկար ժամանակ ականջ դնում, յետոյ հառաչում: Ինչո՞ւ ես հառաչում, Եմելիան Իլիչ, հարցնում եմ ես:

«—Այնպէս, ոչինչ, Աստաֆի Իվանիչ. միք անհանգստանալ: Այսօր երկու կին, Աստաֆի Իվանիչ, փողոցում կուռեցան. մէկը միւսի կլիւկվայի (Клюква—Ռուսիայի մի տեսակ թթուաշ պտուղ) ամանը անզղուշութիւնից գետին վեր ածեց:

«—Դեհ, լաւ ինչ:

«—Միւսն էլ նրա փոխարէն գիտամբ նրա

ամանը թափեց և ոտով էլ դեռ կոխճռտեց:

«—Դեհ, լաւ ինչ, Եմելիան Իլիչ:

«—Ոչինչ, Աստաֆի Իվանիչ, ես միայն այնպէս ասացի:

«—Ոչինչ, միայն այնպէս: Էհէ... մտածում եմ, Եմելիա, դու իմ Եմելիա, գլուխդ խմելուց կորցրել ես...»

«—Էլի մի պարոն թուղթ փող վայր ձգեց Գօրօխովոյի փողոցի վրայ, չէ՛, կարծեմ, Սադովոյի փողոցի վրայ: Իսկ մի ռամիկ տեսաւ և ասաց իմ բաղդս է, մի ուրիշն էլ տեսաւ, ասաց, չէ՛, իմ բաղդս է: Ես քեզնից առաջ տեսայ...»

«—Է՛հ, Եմելիան Իլիչ:

«—Եւ կուռեցան ռամիկները, Աստաֆի Իվանիչ: Իսկ քաղաքապահ զինուորը մօտեցաւ, զերցրեց թուղթ փողը և տուաւ պարոնին, իսկ երկու ռամիկին սպառնաց բանտը ձգել:

«—Լաւ, թէ ի՞նչ: Ինչ մի խրատական բան կայ այդ տեղ, սիրելի Եմելիան:

«—Ես ոչինչ: Ժողովուրդը ծիծաղեց, Աստաֆի Իվանիչ:

«—Է՛հ, սիրելի Եմելիան: Ժողովուրդը: Հողիդ երեք կոպէկով ես ծախել: Գիտե՞ս ինչ կասեմ քեզ, Եմելիան Իլիչ:

«—Ի՞նչ կասես, Աստաֆի Իվանիչ:

«—Մի գործ շինիր, ուղիղն եմ ասում: Հաղար անգամն եմ ասել մի գործ շինիր, խղճա՛քեզ:

«—Ի՞նչ գործ շինեմ, Աստաֆի Իվանիչ: Ես

հերս չըզիտեմ ինչ գործ շինեմ, և ինձ էլ ոչ որ
չի վերցնիր, Աստաֆի Իվանիչ:

«—Այն պատճառով էլ քեզ ծառայութիւնից
արձակեցին, Եմելիան, որովհետև խմող մարդ ես:

«—Հապա Վլաս բուժօգնական էլ այսօր գրա-
սենեակը կանչեցին, Աստաֆի Իվանիչ:

«—Ինչի՞ համար, ասում եմ ես, կանչեցին
նրան, սիրելի Եմելիան:

«—Ա՛յ այդ չըզիտեմ թէ ինչի համար կան-
չեցին, Աստաֆի Իվանիչ: Նշանակում է այնտեղ
այդ հարկաւոր էր, որ նրան կանչեցին:

«է՛հ, մտածում եմ, երկուսս էլ, քեզ հետ
միասին, սիրելի Եմելիան, կորած ենք մենք:
Մեր մեղքերի համար Աստուած մեզ պատժում
է: Ի՛նչ պիտի անենք այդպիսի մի մարդու հետ:

«Միայն շատ խորամանկ աղայ էր նա, էլ ա-
ւել պէտք չէ: Կտում էր լսում ինձ, և յետոյ, երբ
արդէն ձանձրանում, իմ գայլոյթը տեսնելուն
պէս, իսկոյն վերցնում էր վերարկուն և սնուկ
կորչում—հետքը չէիր գտնիր: Մի ամբողջ օր
թափառում էր, երեկոյեան գալիս էր արդէն
հարբած: Ո՞վ էր խմացնում, ձրտեղից էր փող
գտնում, Աստուած միայն զիտէր, միայն այդ
բանում ես մեղաւոր չէի:

«—Չէ, ասում եմ, Եմելիան Իլիչ, գլխիդ մի
փորձանք կրգայ, Եմելիա Իլիչ: Բաւական է խը-
ժել, լսում ես, բաւական է: Միւս անգամ եթէ
հարբած կրգաս, սանդուղքների վրայ կըքնես:
Տուն չեմ թողնիր...»

«Սպառնանքս լսելով, Եմելիանը տանը նստած
մնաց մի օր, երկու օր, իսկ երրորդ օրը նորից
անյայտացաւ: Սպասում սպասում եմ, չի գալիս:
Արդէն ես, ճիշտն ասած՝ վախեցայ և շատ էլ
խղճացի: Ի՛նչ արեցի ես նրան, մտածում եմ: Վա-
խեցրի ես նրան: Ո՛ւր գնաց այժմ ողորմելին:
Աստուած իմ, կարծեմ, կըկորչի նա: Օրը մի՞նեց,
նա չըվերագարձաւ: Առաւօտեան ես դուրս
գնացի նախագաւիթը և տեսայ, որ նախագաւ-
թումն է քնած: Սանդուղքի աստիճանի վրայ
զլուին է դրել և պռուկել, ցըրտից բոլորովին
սառել էր խեղճը:

«—Այդ ի՛նչ է, Եմելիա, Տէր ընդ քեզ, այդ
ո՛ւր ես ընկել:

«—Ի՛նչ, Աստաֆի Իվանիչ, այս օրերումս
ինձ վրայ բարկացաք, վշտացաք և խոստացաք
նախագաւթում պռուկեցնել ինձ, ուստի և ես
չըհամարձակուեցայ ներս մանել, Աստաֆի Իվա-
նիչ, և այնտեղ պռուկեցի...»

«Բարկութիւնս և զթասրտութիւնս միանգա-
մից զարթեցան:

«—Ի՛նչ, Եմելիան, գոնէ մի ուրիշ պաշտօն
կատարէիր, ասում եմ ես, ինչ ես սանդուղքի
պահապան դառել:

«—է՛լ ինչ ուրիշ պաշտօն, Աստաֆի Իվանիչ:

«—Գոնէ, կորած հողի ասում եմ ես (հերսս
բռնեց) զերձակի արհեստով զբաղելի: Տես ինչ
հալումն է վերարկուկը, որ բոլորը
ձակձկուած է, զե՛ս նրանով սանդուղքն էլ ես

— Եր - ՏԻՆ



մարդու: Վեր առնելիք ասեղը և ծակերը կարէիր, այդպէս է հրամայում մարդու պատիւը: Ե՛յ, դու արբեցող մարդ:

«—Եւ ի՛նչ, պարոն: Վեր առաւ ասեղը. բայց ես ծաղրի համար ասացի, իսկ նա վախեցաւ և ասեղն առաւ ձեռքը: Հանեց վերարկուն և սկսեց թելը ասեղում անցկացնել: Նայում եմ ես վրան. յայտնի բան է, աչքերը ձառուսեցան, կարմրեցան, ձեռքերը դողդղացին, էլ ասել չի լինիլ թէ ինչպէս. թելը զցում էր զցում, չէր կարողանում ասեղում անցկացնել, որքան նա ակնթարթ նայեց, որքան նա և թքով քսեց թելին և ձեռքով ոլորեց նրան — ոչինչ չօգնեց. վերջը դէն ձգեց ասեղն ու թելը ու սկսեց վրաս նայել...»

—Դէ, Եմեկիա, ամաչացրիք ինձ. եթէ ուրիշների մօտ անէիր, գլուխս կըկարէի: Ախր, ես քեզ, այդպիսի պարգամիտ մարդուն ծիծաղի համար ասացի... Դէ հեռացիր գնա, Տէր ընդ քեզ: Նստի՛ր այնպէս և ամօթալի բաներ մի արա, սանդուղքների վրայ մի քնիր, ինձ մի ամաչացրու...»

«—Կաւ, ինչ անեմ ես, Աստօֆի Իվանիչ. ես ինքս էլ լաւ գիտեմ որ միշտ հարբած եմ լինում և ոչ մի բանի պէտք չեմ... միայն ձեզ իմ բա... բարերարին վշտացնում չարացնում եմ...»

«Եւ ինչպէս յանկարծ դողացին նրա կապտած շրթունքները, ինչպէս մի կաթիլ արտասուք երևաց նրա սպիտակ թշի վրայ, ինչպէս այդ արտասուքը դողդղաց նրա չածիլած

մորուսի վրայ, և ինչպէս վերջը չըպահելով իրան, հեղեղի պէս գուրս թափուեցին Եմեկիանի աչքերից արտասուքները... Աստուած իմ: Կարծես դանակով մորթեցին սիրտս, այնպէս զգացի ինձ:

«—Ե՛յ դուն զգայուն մարդ ես եղել, բոլորովին չէի կարծում այդ: Ո՞վ գիտէր, ո՞վ կարող էր գուշակել այդ... Չէ, մտածում եմ, քեզնից բոլորովին կըհրաժարուեմ, Եմեկիա. ոչնչացիր ինչպէս մի հին բան:

«Է՛հ, պարոն, էլ ինչ երկարացնեմ: Եւ իրը այնքան չնչին, աննշան է, որ խօսել անգամ չարժէ, այսինքն, գուք, պարոն, օրինակի համար ասենք, երկու կտորած կոպէկ էլ չէք տալ, իսկ ես շատ կըտայի, եթէ ես շատ ունենայի, որ միայն այն բոլորը, ինչ որ պատահեց, չըպատահէր: Պարոն, ես լաւ վարտիք ունէի, շատ փառաւոր վարտիք, կապույտ վանդակաւոր, կալուածատէրը կարել տուեց ինձ, որ այստեղ յաճախ գալիս էր, բայց յետոյ հրաժարուեց վարտիքից, ասելով վարտիքը նեղ է. և այսպէս նա ձեռքումս մնաց: Մտածում եմ՝ թանգադին իր է: Շուկայում գուցէ հինգ ուրբի տան, իսկ եթէ չըտան, այն ժամանակ նրանից երկու փոքր վարտիք կըկարեմ Պետերբուրգի պարոնների համար և մնացածիցն էլ ինձ բաճկոն կըչինեմ: Մեզ պէս խեղճ մարդկանց համար գիտէք, այդ էլ լաւ է: Իսկ այդ միջոցին սիրելի Եմեկիանիա համար եկաւ հասաւ շատ խիտտ, տխուր ժամանակ: Տեսնում եմ մի օր չի խում, երկրորդ օրն էլ չի

խմում, երրորդ օրն էլ օղի ասած բանը բերան
չէ անում, բոլորովին բայդուչ է կտրուել. ցա-
ւեցի տեսնելով նրան այնպէս տխուր-տրտում:
Է՛հ մտածում եմ, դո՛ւ տղայ, փող չունիս առ-
նելու թէ՛ արդէն Աստուած ողորմեց և խելքի
եկար: Ահաւասիկ, պարոն, այս այսպէս էր,
որ այդ միջոցներին մի մեծ տօն ունեցանք. ես
գնացի այդ երեկոյ ժամնախատօնակին. տուն եմ
վերադառնում և ի՛նչ տեսնում, որ իմ Եմելիանը
նստած է պատուհանի վրայ, հարբած օրօրում
է: Է՛հէ, մտածում եմ, այդպէս ուրեմն. տղայ:
Եւ ինչ որ բանի համար բացի արկղս: Նայեմ,
ի՛նչ, վարտիքս չըկայ: Ես այս կողմ այն կողմ
ընկայ, վարտիքս կորաւ ու պրծաւ: Ի՛նչ ասեմ, երբ
ամեն բան տակն ու վրայ արի և տեսայ որ չըկայ,
իմ սիրտս, կարծես, կտոր կտոր եղաւ: Վազեցի
պառաւի մօտ, սկզբում նրան բաւական հայհոյե-
ցի, իսկ Եմելիայի մասին, որ հարբած նստած էր,
կասկած անգամ չըտարայ: «Չէ, ասում է ինձ
իմ պառաւը, Աստուած քեզ հետ, ո՛վ մարդ, ին-
չին է պէտք ինձ քո վարտիքը, ես պէտք է հագ-
նեմ, ի՛նչ է, ինձնից իսկ գողացան իւրեկա» (Юбка)
ոչինչ չըգիտեմ և ոչինչ չեմ լսել» ասում է:—
Ո՛վ էր այստեղ, ասում եմ, ո՛վ էր եկել: «Պա-
րոն, ոչ ոք չէ եկել, բոլոր ժամանակ ես այս-
տեղ էի. Եմելիա Իլիչը դուրս գնաց, բայց յե-
տոյ նորից ներս եկաւ, ահաւասիկ նա նստած է
այնտեղ: Հարց ու փորձ արա՛ նրանից»:—Չէս
վերցրել արդեօք, Եմելիա, ասում եմ ես, որևէ

պատճառով, իմ նոր վարտիքս, այն, յիշում ես,
որ կալուածատէրը կարել տուեց. «Ո՛չ, Աստա-
ֆի Իվանիչ, ասում է նա, ես նրան չեմ վերցրել»:

Ի՛նչ սատանայական բան. նորից փնտրել
սկսայ, փնտրեցի, փնտրեցի—չկայ ու չկայ, ոչ
մի կերպ չեմ գտնում: Իսկ Եմելիան նստած է
ու օրօրում: Չորս թաթի վրայ նստած էի այս-
պէս, պարոն, արկղի վրայ, նրա առաջ, և յան-
կարծ աչքերս ծոցի նրա վրայ... Է՛հէ, մտա-
ծում եմ, այսպէս իսկոյն սիրտս այրուեց, մին-
չև անգամ կարմրատակեցի: Յանկարծ Եմելիան
էլ նայեց վրաս:

«—Ո՛չ, Աստաֆի Իվանիչ, ասում է նա. ես
ձեր այն վարտիքը... Դուք, գուցէ, կարծում էք,
որ ես այսպէս ասել... իսկ ես նրան չեմ վեր
առել:

«—Հապա ո՛ր կարող էր կորչիլ, Եմելիան
Իլիչ:

«—Ո՛չ, չըգիտեմ, ասում է, Աստաֆի Իվա-
նիչ, չեմ տեսել բոլորովին:

«—Ուրեմն, Եմելիան Իլիչ, այնպէս պէտք է
կարծել, որ վարտիքս ինքն իրան կորաւ, ի՛նչ է:

«—Ո՛վ գիտէ, կարելի է, ինքն իրան կորաւ,
Աստաֆի Իվանիչ:

«Նրան լաւ հարցուփորձ անելուց յետոյ—
ես վերկացայ, մօտեցայ պատուհանին, մոմ վա-
ռեցի և սկսայ կարս կարել: Իմ տան տակը ապ-
րող պետական պաշտօնեայի (չինոզնիկ) բաձկո-
նակն էի վերանորոգում, իսկ իմ սիրտս այրում

խորովում էր: Ե՛ն, աւելի հեշտ կըզգայի, եթէ իմ ունեցած պահարանս կտարէին ու նրանով վառարանս վառէին: Ահաւասիկ Եմելիանն էլ հասկացաւ, որ սիրտս խիստ տոչորուեց: Մարդու սիրտը, պարոն, երբ նա չարին մասնակից է, դեռ հեռուից էլ զգում է զժբաղդութիւնը, ինչպէս երկնային թռչունը փոթորիկը:

«—Ա՛յ, Աստաֆի Իվանիչ, սկսեց խօսել Եմելիանը դողդոջիւն ձայնով, — այսօր Անտիպ Պրօխորիչը, Ֆելդշերը, նորերս վախճանած կառապանի կնոջ վրայ ամուսնացաւ...»

«Իսկ ես նրան նայեցի և այնպէս խիստ նայեցի... Եմելիանը հասկացաւ: Նայում եմ՝ վերկացաւ, մահճակալին մօտեցաւ և սկսեց ինչ որ որոնել: Սպասում եմ—երկար որոնում է, իսկ ինքն կամաց խօսում. «չըկայ ու չըկայ, ո՛ր կորաւ այն անպիտանը, սատանէն գիտէ»: Սպասում եմ թէ ինչ կըլինի վերջը. տեսնեմ Եմելիան մահճակալի տակը մտաւ ձեռքերի վրայ կռացած:

«—Ի՞նչ ես, Եմելիան Իլիչ, չորս թաթի վրայ մահճակալի տակը սողում:

«—Տեսնեմ այնտեղ չէ վարտիքը, Աստաֆի Իվանիչ: Ուզում եմ տեսնել այստեղ չի ընկել խօսուս:

«—Ի՞նչ բանըդ է, պարոն (բարկութիւնիցս ըսկսեցի նրան «պարոն» տիրոգոտով մեծարել), ինչ բան ունիս ինձ պէս խեղճ, հասարակ մարդու համար նեղանալ, ինչ ես անմեղ տեղ ծնգներդ ցաւեցնում:

«—Ինչ կայ, Աստաֆի Իվանիչ, ես այնպէս... Գուցէ ինչպէս և իցէ գտնուի վարտիքդ, եթէ փնտրենք:

«—Հը՛մ, ասում եմ, լսիր ինձ, Եմելիան Իլիչ:

«—Ինչ ես ասում, Աստաֆի Իվանիչ, պատասխանում է նա:

«—Չըլինի թէ դուն ես նրան գողացել, իմ աղուհացը մոռացել, իբրև գող և աւագակ: Ասել կուզեմ, որ սիրտս այնպէս պղտորուեց, երբ տեսայ, որ ծնգների վրայ սողում է իմ առաջ:

«—Ո՛չ... Աստաֆի Իվանիչ...»

«Իսկ ինքն չորս թաթի վրայ, ինչպէս որ կար, այնպէս էլ սառած մնաց: Երկար այդ դրութեան մէջ մնաց, յետոյ դուրս եկաւ այնտեղից: Նայում եմ գունաթափուել էր, մեռելի գոյն էր ստացել: Վերկացաւ նստեց պատուհանի վրայ կողքիս, այնպէս նստած մնաց տասը բոպէի չափ:

«—Ո՛չ, Աստաֆի Իվանիչ, և յանկարծ վերկացաւ և վրաս եկաւ մեղքի պէս սարսափելի.

«—Ո՛չ, Աստաֆի Իվանիչ, ես քո վարտիքը չեմ վեր առել...»

«Ինքը բոլոր մարմնով դողում է, դողդոջուն մատով իւր կրծքին խփում, իսկ ձայնը այնպէս դողում, որ ինքս վախեցի, պարոն, և կարծես քար կտրուեցի:

«—Գե՛հ, Եմելիան Իլիչ. — ինչպէս կուզեք. ներեցէք ինձ, եթէ ես յիմարաբար ի գուր տեղը զրպարտեցի քեզ: Սատանէն տանէ, թող կորչի

վարտիքս, առանց վարտիքի էլ կապրենք: Ձեռքեր ունենք, փառք Աստուծոյ, գողութիւն չենք անիլ... ուրիշներին ձեռք չենք մեկնիլ. մի կտոր հաց կը գտնենք...

«Սօսքերս լսելուց յետոյ, Եմելիանը երկար կանգնեց իմ առաջ, յետոյ տեսայ—նստեց: Այսպէս ամբողջ երեկոյ նստած մնաց, մի փոքր շարժում անգամ չանելով, ես արդէն քնելու էլ զընացի, իսկ Եմելիանը միւննոյն տեղում նստած մնաց: Առաւօտը միայն տեսնում եմ պառկած է մերկ յատակի վրայ, իւր վերարկուի տակ կուշ եկած. խիստ անպատիւ եղաւ, այնպէս որ և մահճակալի վրայ պառկելու էլ չեկաւ: Այսպէս, պարոն, այն օրից ես նրան չըսիրեցի, այսպէս ես նրան հէնց առաջին օրերից ատեցի: Ինձ այնպէս թուաց թէ հարագատ որդիս ինձ կողոպտեց և ծնողական մեծ ցաւ պատճառեց ինձ: Ա՛խ, մտածում եմ, Եմելիան, Եմելիան: Իսկ Եմելիան, պարոն, երկու շաբաթ շարունակ խմում էր, այնպէս որ բարբոսի գժուեց, խելքը կորցրեց խմելուց: Առաւօտեան դուրս էր գնում, տուն էր գալիս ու զիշերը, և երկու շաբաթուայ ընթացքում մի խօսք անգամ նրա բերնից չեմ լսել: Երևի վիշաք նրա կուրծքը մաշում էր, կամ իր անձին ինչպէս և իցէ վերջ դնել էր ուզում: Վերջապէս դադարեց խմելուց, ունեցած շունեցածը խմեց և նորից նստել սկսեց պատուհանի վրայ: Յիշում եմ, երեք օր ու զիշեր նրան նստած ու անխօս մնաց միւննոյն տեղում. յանկարծ

նայում եմ, լաց է լինում նա: Այսինքն, այսպէս նստած է, պարոն, իւր տեղում և լալիս է և ինչպէս: Այսինքն, ինչպէս ջրհորից, կարծես, ինքն չէ լսում, այնպէս է արցունքներ թափում աչքերից. ծանր է, պարոն, տեսնել, երբ հասակաւոր մարդը վշտից ցաւից լալիս է:

«—Ի՞նչ պատահեց քեզ, Եմելիա, ասում եմ ես:

«Եւ նա բոլոր մարմնով դողաց: Վեր թռաւ: Առաջին անգամն էի այդպիսի խօսքը նրան ասում:

«—Ոչինչ... Աստաֆի Իվանիչ:

«—Թո՛ղ վարտիքս կորչի, Տէր ընդ քեզ, Եմելիա: Ինչ ես բայդուշի պէս նստել: Շատ խըղճացի նրան:

«—Այնպէս Աստաֆի Իվանիչ, ես չեմ... Որևէ գործ եմ ուզում գտնել, Աստաֆի Իվանիչ:

«—Ինչպիսի գործ ես ուզում, Եմելիան Իլիչ:

«—Այնպէս որևէ գործ: Գուցէ առաջուայ պաշտօնի նման որևէ մի պաշտօն կը գտնեմ: Ես արդէն գնացի էլ խնդրելու դրա մասին Փեդոսէյ Իվանիչից... Լաւ չէ ձեզ նեղութիւն տալ, Աստաֆի Իվանիչ: Ես, Աստաֆի Իվանիչ, հէնց որ, գուցէ, մի պաշտօն ձարեցի, բոլորը կը վճարեմ և բոլոր ծախքերիդ համար վարձատրութիւն կը ներկայացնեմ:

«—Բաւական է, բաւական, Եմելիա, մեղքն եղաւ գնաց, հերիք է էլի: Թո՛ղ կորչի վարտիքս: Ապրենք տոռաշուան պէս:

«—Ձէ, Աստաֆի Իվանիչ, գուք գուցէ միշտ

այն բանի վրայ էք մտածում թէ ես եմ... իսկ ես ձեր վարտիքը չեմ վեր առել...

«— Ինչպէս ուզում ես, Տէր ընդ քեզ, սիրելի Եմելիան:

«— Չէ, Աստաֆի Իվանիչ: Ես, ինչպէս երեւում է, էլ ձեր անկեցը չեմ: Դուք ինձ ներեցէք, Աստաֆի Իվանիչ:

«— Դեհ, Տէր ընդ քեզ, ո՞վ է քեզ, Եմելիան Իլիչ, նեղացնում, ո՞վ է քեզ տանից դուրս առնում, Ես, ի՞նչ է:

«— Չէ, անվայել է ձեզ մօտ այսպէս ապրել, Աստաֆի Իվանիչ... Ես աւելի լաւ է կերթամ...

«Պէտք է ասել, որ նա շատ նեղացել էր. վիրաւորուել էր. պէտք է գնամ գնամ խօսքի վրայ կանգնել էր ու պրծել: Նայում եմ նրան և ձիշտ որ, վերարկուն վրան է ձգում որ գնայ:

«— Մըր ես պատրաստում գուն, Եմելիան Իլիչ: Խելքի արի, ինչ եղաւ քեզ: Մըր կերթա:

«— Չէ, մնաք բարև, Աստաֆի Իվանիչ. էլ միք բռնիլ ինձ (ինքն նորից հեծկտում է), ես արդէն մեղքից կրհեռանամ, Աստաֆի Իվանիչ: Դուք արդէն էլ այն չէք հիմա:

«— Ինչպէս թէ էլ այնպէս չեմ: Այնպէս եմ: Բայց գուն ինչպէս մի փոքր, անմիտ մանուկ կըկորչես մեռակ, Եմելիան Իլիչ:

«— Չէ, Աստաֆի Իվանիչ, երբ դուրս գնաք, արկղը հիմա կողպեցէք, իսկ ես, Աստաֆի Իվանիչ, տեսնում եմ և լալիս... Չէ, աւելի լաւ է ինձ թողնէք, Աստաֆի Իվանիչ, և ներեցէք այն

բոլոր բանի համար, ինչ բանում որ նեղութիւն տուի իմ անկեցութեան միջոցին:

«Եւ ի՞նչ, պարոն: Ճիշտ որ գնաց մարդը: Սպասում եմ մի օր, ահա, մտածում եմ կըվերադառնայ երեկոցեան—չէ: Երկրորդ օրն էլ չըկայ, երրորդն էլ—նոյնպէս չըկայ: Վախեցայ ես, կսկիծը ինձ շուր ու մուր է տալիս, չեմ խմում, չեմ ուտում, չեմ քնում: Բոլորովին յուսահատացրեց ինձ մարդը: Չորրորդ օրը գնացի նրան որոնելու. բոլոր օրեաները պատեցի, հարցրեցի—չէ, կորաւ Եմելիանուշկաս ու պրծաւ: «Արդէն չըկերար գիժ գլուխդ Եմելիան, մտածում եմ ես»: «Գուցէ որեւէ տան պատնէշի մօտ հոգին փչեցիր հարբած վիճակում և հիմա ինչպէս փթած գերան պառկած ես»: Կիսակենդան տուն վերագարձայ: Երկրորդ օրն էլ նրան որոնել մտազրուեցայ: Եւ ինքս ինձ անիծեցի, թէ ինչու թոյլ տուի որ խելառ մարդը հեռանար ինձանից ուր ուզէր: Միայն նայեմ տեսնեմ ի՞նչ դեռ արշալոյսը չըբացուած, հինգերորդ օրը (տօն էր) դուռս ձոճում է: Տեսնում եմ ներս է մտնում Եմելիան՝ կապած, մազերը ցելառ, որ կարծես թէ փողոցումն էր քնել, մոմի պէս հալուել, նիհարել, հանեց վերարկուն, նստեց ինձ մօտ արկղի վրայ, և վրաս նայում: Ուրախացայ ես և առաջուանից աւելի սրտիս կսկիծը աւելացաւ: Պարոն, տեսէք ինչ է դուրս գալիս, եթէ ինձ հետ պատահէր այդպիսի մի մեղք մարդկային, ճշմարիտ եմ ասում, շան պէս սատկել աւելի

լաւ կը համարէի, քան այնպէս գալը: Իսկ Եմե-
լիանն եկաւ: Դէ՛հ, բնական է, որ ծանր է տես-
նել մարդուն այդպիսի վիճակում: Սկսեցի նրան
փայփայել, մխիթարել: Ա՛յ, ասում եմ, իմ սիրե-
լի Եմելիան, ուրախ եմ որ տուն վերադարձար:
Եթէ մի փոքր էլ ուշանայիր գալ, այսօր էլ
պէտք է պատէի օղասները և գինեաները քեզ
գանելու: Կերե՛լ ես արգետօք որևէ բան.

«— Կերել եմ, Աստաֆի Իվանիչ:

«— Ճի՛շտ է, կերե՛լ ես: Ա՛յ, եղբայր, երե-
կուան շէրից քիչ մնացել է, նա մտով էր ե-
փուած, հասարակը չէր. այ և սոխ ու հաց: Կեր,
ասում եմ, գնաս չի տալ:

«Մատուցի ես նրան ինչ որ կար. է՛հ և տե-
սայ, որ երեք օր, գուցէ, կերած չէր այնպիսի
ախորժակով էր խժրում կերակուրը: Այս, նշա-
նակում է, ինչպէս հասկացայ, քաղցն էր նրան
ինձ մօտ ձգել: Փայփայել սկսայ այդ խեղճին
նայելուց: Մտածեցի՝ արի գնամ օղեառներ, բե-
րեմ օղի, որ սիրտն հովացնէ, և սրանով էլ կը-
վերջացնեմ, արդէն հերիք է: Այլ ևս չար չեմ
զէպի քեզ, սիրելի Եմելիան: Բերեցի օղին: Այ,
ասում եմ, Եմելիա Իլիչ, խմենք, այսօր, տօն է:
Կուզե՛ս խմել: Խմելը առողջութիւն է:

«Ձեռքը արդէն պարզել էր զէպի բաժակը,
ազահութեամբ պարզել, արդէն բռնել էր նրան,
որ յետոյ ձեռքը յետ տարաւ. սպասեց մի փոքր,
տեսնեմ, նորից բռնեց բաժակը, տարաւ զէպի
բերանը, բայց օղին թևի վրայ թափեց, բայց չէ՛,

վերջը տարաւ բերանը, բայց խսկոյն և եթ դրաւ
սեղանի վրայ:

«— Ի՞նչ է, սիրելի Եմելիան:

«— Ոչինչ, ես ուզում էի, Աստաֆի Իվանիչ:

«— Ձե՛ս ուզում խմել ի՞նչ է:

«— Ես, Աստաֆի Իվանիչ, ուզում եմ ասել...

այսուհետև այլ ևս չեմ խմիլ, Աստաֆի Իվանիչ:

«— Ի՞նչ, դու բոլորովին ես ուզում դադա-
րել խմելուց, սիրելի Եմելիան, թէ՛ միայն այսօր:
Վոեց նա: Տեսնեմ մի ըոպէից յետոյ ձեռքը
գլխին գրեց:

«— Ի՞նչ է, ի՞նչ պատահեց, հիւանդ խօ՞ չես,
Եմելիա:

«— Այնպէս. ինչ որ հիւանդ եմ զգում ինձ,
Աստաֆի Իվանիչ:

«Բարձրացրի նրան և պառկեցրի անկողնում:
Նայեմ, իրաւ, գրութիւնը վատ է. գլուխը այր-
ւում էր և տենդը բռնել էր: Մի օր նստած մնա-
ցի նշա մօտը. գիշերը գրութիւնը վատացաւ:
Ես նրա համար կվասի մէջ իւղն ու սոխը խառ-
նեցի, հացն էլ մէջը բռթեցի: Դէ՛հ, ասում եմ,
կեր, լաւ բան է, բողոճօ է (ТОРП), գուցէ, լաւ
դառնաս: Գլուխը շարժում է: «Ձէ՛, ասում է,
այսօր էլ չեմ ճաշիլ, Աստաֆի Իվանիչ»: Թէ՛յ
պատրաստեցի նրա համար, խեղճ պառաւին նե-
ղութիւն տուի. Դէ՛հ, ասում եմ, բանը վատ է:
Երբորդ առաւօտը ես գնացի բժշկի մօտ: Մօտիկ
ապրում էր ինձ ծանօթ բժիշկ Կոստոպրավովը
(Ոսկորդրատեանցը): Դեռ առաջ, երբ ես դեռ

Բօսօմեա գին պարոնների մօտ ծառայում էի, ծանօթացել էինք իրար. նա ինձ բժշկում էր: Եկաւ բժիշկը, նայեց:—Չէ, ասում է, բանը վատ է: Ի զուր էք իմ յետևից մարդ ուղարկել: Յամենայն դէպի, փոշի դեղ տուեցէք: Բայց փոշի դեղը չըտուեցի. մտածեցի որ բժիշկը կատակ է անում, մինչդեռ եկաւ հասաւ հինգերորդ օրը:

«Պառկած էր նա ինձ մօտ, պարոն, և իմ առաջ էլ հոգին աւանդեց: Իր պատուհանի վրայ էի նստել, ձեռքիս գործ էի բռնել: Պառաւր վառարան էր վառում: Ամենքս լուռ ենք: Պարոն, սիրտս կսկիծից տոչորւում է այս թշուառականի համար կարծես հարազատ զաւակս եմ թաղում: Գիտեմ, որ Եմելիան հիմա ինձ է նայում, դեռ առաւօտուանից տեսայ, որ մարդը ճիգ է թափում, ուզում է ինչ որ ասել, բայց միայն, ինչպէս երևում է, չէ համարձակում: Վերջապէս նայեցի վրան, նկատում եմ թշուառականի աչքերում այնպիսի մի թախիծ, աչքը ինձնից չի հեռացնում, իսկ երբ տեսաւ, որ ես նայում էի նրան, իսկոյն աչքերը խոնարհացրեց.

«—Աստաֆի Իվանիչ:

«—Ի՞նչ է սիրելի Եմելիան:

«—Ա՛յ, եթէ օրինակի համար իմ վերաբերուն բազար տանէիր շատ կըտային արդեօք նրա համար, Աստաֆի Իվանիչ:

«—Է՛հ, ասում եմ, յայտնի չէ թէ ինչ կըտային: Գուցէ Յ ըուբլի տային, Եմելիան Իլիչ:

«Իսկ իրօք եթէ փորձէիր տանէիր, ոչինչ չէին տալ, այլ մի կուշտ էլ վրազ կըծի՞ծաղէին նրա համար, որ այդպիսի անպիտան ցնցոտիք ես վաճառում: Միայն նրան, այս Աստուծոյ մարգուն, նրա պարզամիտ բնաւորութիւնը ճանաչելով, նրան մխիթարելու մտքով էի ասել:

«—Իսկ ես կարծեցի, Աստաֆի Իվանիչ, որ Յ ըուբլի կորոչէին, հա մահուղիցն է, Աստաֆի Իվանիչ. ինչպէս կարելի է որ Յ ըուբլի, քանի որ նա մահուղիցն է:

«—Չեմ իմանում, Եմելիան Իլիչ, բայց միայն երբ ծախել ես ուզում, այդպէս իհարկէ հէնց առաջին անգամից Յ ըուբլի պէտք է պահանջել:

«Մի փոքր լոեց Եմելիան. յետոյ նորից կանչեց:

«—Աստաֆի Իվանիչ:

«—Ի՞նչ է, սիրելի Եմելիան, հարցնում եմ ես:

«—Գուք ծախեցէք վերարկուս, երբ մեռնեմ, իսկ ինձ նրանում չըթագէք: Ես այնպէս էլ կը պառկեմ, իսկ նա արժէքաւոր իր է, գուցէ նա ձեզ պէտք լինի:

«Այստեղ սիրտս այնպէս կտրտուեց, որ անկարելի է ասել: Տեսնում եմ որ մահուան թախիծը նրան մօտենում է: Դարձեալ լոեցիւք: Այսպէս տեեց մի ժամ: Նորից նայեցի վրան. անընդհատ ինձ է նայում, իսկ երբ նրա աչքերը իմ աչքերին հանդիպեցին, նորից գլուխը կախեց:

«—Չէք կամենում, Եմելիան Իլիչ, ջուր խսել:

«—Տուէք, Տէր ընդ քեզ, Աստաֆի Իվանիչ:

«Տուր նրան շուր: Խմեց.—Շնորհակալ եմ,
Աստաֆի Իվանիչ, ասաց նա:

«—Էլ ուրիշ բան չե՞ս ուզում, սիրելի Եմե-
լիան:

«—Ձէ, Աստաֆի Իվանիչ. ոչինչ պէտք չէ.
Իսկ ես այն եմ ուզում...

« Ի՞նչ:

«—Այն...

«—Ի՞նչ այն, սիրելի Եմելիան:

«—Վարտիքդ, այն, որ... ես այն ժամա-
նակ վեր առի ձեզանից... Աստաֆի Իվանիչ:

«—Դեհ, Աստուած թողութիւն անէ քեզ,
գու թշուառական, այս ինչ, այն ինչ մարդ: Մե-
տէր հանդիստ... Իսկ ինքս չըկարողացայ համբե-
րել. արտասուքները ինձ խեղդեցին. մի ըոպէ
աչքս հեռացրի նրանից:

«—Աստաֆի Իվանիչ:

«Նայում եմ տեսնում, որ Եմելիան ինչ որ
ուզում է ասել, ինքն վեր է կենում, շրթունք-
ներով ինչ որ շնջում է... Յանկարծ նա բոլո-
րովին կարմրեց, վրաս նայեց... Յանկարծ տես-
նում եմ նորից գունաթափուում է, մի ակնթար-
թում վայր ընկաւ, գլուխը յետ ձգեց, մի ան-
գամ էլ հոգւոց հանեց, և իսկոյն էլ հոգիս ա-
ւանդեց.

.

Հայաստանի Ազգային գրադարան



NL0438330

